

MOUNTAIN STATES LABOR DAY CONFERENCE 2026

A Thai Hinghangna Hamla aka Bou Ngoengaihna

Message One

Tehe Dung he Boetna hamla Aka thai Hinghangna te Khuenna hamla Bawipa oen Thooekhaih Bibina

Teeham Caciim; ; Habk.3:2, Cel.26:1,22, Mat.14:19,22-23, Fil.1:19-22,25, Jhn. 21:15-17

- I. Pathen kah atuek thlangthli timah hinghang hamla pawnghalh ngaihna awm poepa – Hab.3:2, Hos.6:2, Rom.8:20-22, Saml. 119:25,50,107,154, Jhn.6:57,63, 2Kor.3:3,6.**
- II. Pathen lawng mami tengah peek la aka awm Pathen ben phawngna – Pathen dungzaan kamthlahna kah asangkoek phawngna toela n’phana rangoen a thai hinghangna khuiah n’pha u thai ai (1Ti.1:3-4, 1Kro. 9:17, Cel.26:19,22). Hetah Pathen lawng thlanghing asuenna dawng khawseh, amah kah atuek thlangthli te hoeihtlaangna dawng khawseh Bawipa kah apoekna oen tuhkai la awldoetna hamla awlthlatna ni(Gen.1:26, Job.1013, ef. Efe.3:9).**
 - A. Pathen kah thinkaw khuiah thuh la aka awm awlhuep tetah Pathen kah dungzaan kamthlahna ni (1:10,3:9, 2Ti.1:4), te Bawipa kah thinkaw ngaihna oen Pathen kah dungzaan mengtengna la awm tih, tetah Pa he Capa dawngah Muithla rangoen Pathen ben thumkhat coengna dawngah Amah oen Amah te atuek thlangthli khuiah ahimi kah hingna oen coengna la rekraana awm hamla ni, tetila ahimi lawng Bawipa kah mui lawh pungtaina la Amah oen vai hih la awm vetih (Rom.8:29, 1Jhn.3:2), thlangthai pakhat la Khrih kah Takpum tawmben la a awm coengah(Efe.2:15-16), Pathen kah soepbirna, Pathen kah tuengna hamla (1:22-23, 3:19) awm tih, tetah Jerusalem khaw thai dawngah soepbir poen ai (Awlp. 21:2-22:5).**
 - B. Pathen tah thlanghing la va coengtih thlaang te bawkna ben mueh la, hingna, coengna dawngah Pathen la coengsakna hetah Jerusalem khawpui thai te aka soepbir sak Khrih kah Takpum te thoengsakna oen sakna hamla a awmna he Baibul apumboeih kah arilh, Baibul awlciim, Pathen dungzaan kamthlahna “thinkawng” khuikah “aphu aka tloe” (diamond) la awm – Gen.1:26, Jhn.12:24, Rom.8:29.**
 - 1. Pathen tah thlanghing la acoengna dawng kalawng patoeng thlanghing kah coengna dawngah thumna rangoen thlaang pakhat la va coeng. Thlaang he muithawlengna kalawng patoeng Pathen kah coengna dawngah thumna rangoen bawk ham luu paihuen nawh tih, hingna oen coengna dawng Pathen la va coeng – Jhn.1:14, 2Kor.3:18, Kol.3:4, 2Pe.1:4, Fil.2:5, Rom.8:29, Heb.2:10, Efe. 1:5, Rom.8:19, 1Jhn.3:2, Jhn.1:12-13.**
 - 2. Hekah Pathen ben – thlanghing ben lungna kah ciilrui he Baibul caciim pumboeih kah akawnglam, Pathen kam thlahna kah aka thum thaihu oen vankhawhui pumboeih kah awl huep la awm – Laa.1:1, 6:13. Fe. Hab.1:1, 2:4, Rom.1:17.**
 - a. Khrih tah Pathenben oen thlanghingben la awm tih, Bawipa kah muisam aka thawleng theengaih tah thlanghing ben oen Pathen ben la awm. Ahimi he hingna oen coengna dawngah vaihih tih, pakhat oen pakhat aka vaihih soepbirna awm.**
 - b. Thumkhat Pathen tah va la coeng ham soepbirna oen thloepthum la aka awm thlaang lawng vasahula la coeng ham muithawlengna hetah zuvana repat, aka cuut, aka bou tangkiik Pathen-thlaang la awm ham ni – Awlp.21:2,9, 22:17a.**
 - C. Pathen kah phawngna oen Bawipa dangkoepna kah alungkir phawngna tah Pathen te pumsa la va coeng tih (Jhn.1:1,14), te pumsa te hingna aka pekung Muithla la va coeng (Awlp.15:45b), hingna aka pekung Muithla tetah apueh pasarih aka sang Muithla la va coeng tih (Awlp.1:4,3:1,4:5,5;6), Thlangboel te a sak (Mat.16:18), tetah Khrih kah Takpum la awm**

ti (Efe.4:15-16), Jerusalem khawpui thai te asoepbir (Awlp.21:2,9, 22:17a, ef. Gen.2:22, Jhn. 19:24) sakla awm.

- D. Pathen oen thlaang he tawmbenna pakhat la va awm vetih, tekah tawmbenna lawng Pathen coengna oen thlanghing coengna kah thoekna la awm tih, Baibul caciim apumboeih kah aboetna la Jerusalem khawpui thai dawngah va soepbirna poen ai – Awlp.21:3,22,2,9, ef. Lev.2:4-5, Saml.92:10.
- E. “Diklai pumboeih dawng aka awm Thlangboelthli dawngkah thlangciimthli boeih, awlpukoek la bibi-puithli oen ahaamcathli lawng he phawngna he ahuh u coengah hinghang u tih, Pathen lawng mami tengah aka thai hinghangna – awlrui (history) dawngah meveng khaw tuengsak la aka awm nawh hinghangna – peek la a awm thaina ham na thangthui u ham he ka ngaih uep.” – *life-study of 1 and 2 Chronicles*, p. 15.

III. Mami lawng Khrih Takpum kah aka soeng Pathen-thlaang hingna te hingna dawngah atak la bisai kawini mahngaai la aka cuut u dankoei, Pathen kah kamthlahna dawng aka hing dankoei te sak la awm ai. He dankoei tah Bawipa alawkoepna te avan lawpuina hamla Thlangboel kawngthu (history) dawngah aka len koek hinghangna la awm ai – Saml.48:2 oen footnotes 1, Awlp.3:12,21.

- A. Pathen lawng Pathenben phawngna aka sangkoek kalawng patoeng he phawngna angla hingna te hingpui ham Bawipa kah lungvatna rangoen hinghangna la aka cuut u thlaangthli te angoe. Hinghangna te mami lawng n’huh u huhdoena te atak bibina la awm.
- B. Khrih hubangthli (Mat.5:1, 28:19) lawng Pathen-thlaang kah dankoei la diklai dawngah Khrih kah thlanghing hingna – thlaanghing coengna dawngah Amah oen Amah te hoetna rangoen Pathen te ahingpuina (Jhn.5:19,30) kalawng patoeng hubang la a awm sak tih, thlaang oen tuhkai la apoeknathli boeih thawleng la awm u (Fil. 3:10, 1:21a).
- C. Mami kah hingna he lamhacuek Pathen-thlaang la aka awm Khrih kah hingna dankoei te kawng-tloepna, mui lawh pungsakna a awm ham ni – 1Pe.2:21, Mat.11:29, Efe.4:20-21, Jhn.17:4, 5:17, Fil. 1:19-22,25.
- D. Hubangthli khuiah sangthil la aka awm hingna oen soengna kah Muithla lawng ahimi te Bawipa oen kumthum coeng tentan khui puer haih a awm u vengah Bawipa te a tlapna coeng ah aming thaihu kah asoengna khuila lawngpui nueh la awm ai – Jhn. 16:13, 20:22
 - 1. Lamhacuek Pathen-thlaang kah bibina atawngcuek kalawng Bawipa tah doengnathli boeih te asoepna hamla baptisma a huh tih, Bawipa kah pum (ahih kah thlanghing coengna- 1:14, Rom.1:3, 8:3) angla kawini Bawipa tah duek tih vuui la a awm ham bueng coeng kalawng atloe tuham khawseh theen tlaih nawh tite n’zaaming thai (Mat. 3:15-17).
 - 2. Bawipa lawng takaawi cunnga oen ngaa lunghih rangoen thlaang thawngnga te a cunah noekna dawngah hubangthli te amah tengla cang ham (11:29) athui pe. Bawipa lawng takaawi cun nga oen nga lung hih te zouthenna peek hamla “Vaan benla mang hangna” (14:19) he Bawipa lawng zouthenna kah akungmawng tah tuih la aka awm Amah nawh tih, aka tuih kung Pa ni tite zaaming ciimna hamla athuinuet (Jhn.10:30, 5:19, 30, 7:6, 8, 18).
 - 3. Bawipa lawng thlaangping oen kawpoekrai noekna kah thaitak dawngah taangsut nawh tih, thangthui hamla tlaang sawah Pa oen amah bueng awm hamla ahimi teng kalawng athlaa la cet – Mat. 14:22-23, Luk. 6:12.
 - 4. Bawipa lawng Pathen oen aka tuhkai hingna te ahingpui tih (Mar.1:35, Luk.5:1, 6:12, 9:28, Heb.7:25), Pathen kah mikhuah ah ahing poe na rangoen (Cel. 10:38, Jhn. 8:29, 16:32) thlaangthli te tuhkai tih, ahimi te Pathen awlkhueh thai mengtengna kah Jubilee khui la cehpui ham Pathen te tethli khuila rekraa la awm (Luk.4:18-19, Heb.8:2, ef.Gen.14:18, Cel.6:4).
 - 5. Dilai aka ukkung Seitan tah Bawipa sawah tukhaw saithaina aka khueh nawh (kungsutna awmnawh, atue hu nawh, ngaiuepna awmnawh, meang khaw saithaina khuehnawh)

thlaang pakhat la awm – Jhn. 14:30b, ef.athan, 20, 2Kor. 12:2a, Kol.1:27, 2Ti.4:22, Jhn.3:6b, 4:23-24, 1Jhn. 5:4,18.

E. Bawipa kah dankoei ningla Pathen-thlaang pakhat kah hingna te hingpui hamla pakhat bueng la aka awm alawngim tetah mami kah coengna boeih te thoekhaih Muithla dawngah khueh tih, thoekhaih Muithla angla khawkaanna, hingna oen mami coengna te khuehna la awm – Rom.8:2, 4, 10, 6, 11, 16, 1Kor. 6:17, Rom. 10:12, Gal. 5:25, Efe. 6:17-18, 1The. 5:16-20, 1Ti. 4:6-7, 2Ti.1:6-7.

F. “Mami boeih lawng Pathen-thlaang hingna te hingpui ham angoe tite pangpui ham ni. Aboetna ah Pathen-thlaangthli tah taana aka khuehthli, taakungthli, Jerusalem khuikah Zion la awm poen ai. He lawngah kawngghu dawngah me vengah khaw n’huh vaih nawh aka thai hinghangna te a van khuen vetih, he lawngah tahe dungtue he aboet sak poen ai” – *Life-study of 1 and 2 Chronicles*, p. 28.

IV. Mami lawng Khrih kah vaandawng ben Bibina dawngah thumhaihna rangoen aka thai hinghangna khuiah n’kuun u thai, te Bibina te Khrih kah Takpum dawngah aka thoeng Thlangboel la Pathen kah Tuuhuii huuiat te khoemdoen hamla Bawipa kah Tuucathli te cuuncahna oen Tuuthli te doencangna la awm. Hetah Celtuih ben Bibina he Khrih kah vaan ben Bibina oen thoekhaihna la awm – Jhn.21:15-17; 1Pe.2:25; 5:1-4; Heb.13:20-21; Awlp.1:12-13.

Message Two

Athai Hinghangna hamla Pathen-Thlaang kah Hingna

Caciim tee ham. Efe. 4:20-21; 1 Pit. 2:21; Lev. 1:3, 9; 6:8-13;

Jhn 5:19, 30; 1 Jhn 2:5-6; Kal.6:2

I. Pathen kah thinkaw ngaihna tah awlthangtheen cabu pali hue dawng awluup sai la aka awm Jesu kah Pathen-thlang la hingna kah aka awm tangtang paihuen la ka awm “Jesu khui kah soengna” (Efe 4:21) hetah soengna kah Muithla rangoen Khrih Takpum dawng aka awm pumbeekthli khuiah muivaisak ham, tetila hinghangna athai hamla Pathen kamthlahna dawng aka saang koek sawsangkoek la aka awm Khrih Takpum kah soengna la acoengsakna ham ni (athan 20-24).

- A. Awlthangtheen cabu pali hue lawng Pathen kawngaih la aka awm hingna kah daan koei, Pathen te a ngaihkhuksak thai tih Bawipa kah mengtengna aka soepsak thai hingna kah pungraan te atuengsak. Jesu tah thaihu soeprep te Pathen khuiah, Pathen oenah haih, Pathen hamla bi aka bi hingna oen te hing. Pathen tah Bawipa kah hingna dawngah thum haih tih, Bawipa tah Pathen oen pumkhat-sakhat la awm. Hetah *Jesu khuiah aka awm soengna* ti awllung kah athuingaihna te ni - Jhn 5:19, 30; 6:38; 8:16; 8:29; 14:10.
- B. Jesu dawng kah soengna ningla Khrih te cangna tihe tah Khrih kah daan ham koei khuiah pungraan thloen thilna, Khrih kha muisam khui la mui vaisakna te ni – Rom 8:28-29. Efe 4:20-21.
- C. Mami lawng lamha cuek la aka awm Pathen-thlaang la Khrih kah pungraan oen anawn haih la mami kah pumsa hingna te n’hoetna rangoen Pathen hingna te n’hingpuina rangoen Pathen-thlaang la coengsak ham Pathen Amah lawng avan soepsak - Math. 11:29a; 17:5b; 1 Pit. 2:21; Kol. 3:4; 1Kor. 1:30; Kal. 2:20.
- D. Mami lawng Bawipa te lungna, Bawipa te tuhkaina oen Bawipa teng thangthuina n’khuehna oenah pahoei mami tah awlthangtheen cabuthli dawng tuengsak la ka awm pungraan, muisam, daankoei ningla Bawipa te pahoei n’hingpui u. Hetila mami lawng pungraan kah muisam oen anawnca la mui-thloenthilna, muivaina n’dang u – hetah Khrih te n’cangna ni – Math 11:29. Rom 8:29.
- E. Thooekhaih muithla dawng mami n’hing u vengah, mami lawng soengna Muithla rangoen Jesu dawng aka awm soengna oen haih Khrih te n’cang u. Bawipa kah a kawngghu te mami kah cilrui la ava coengsakna ham mami kah pungraan la aka awm Bawipa Amah teng kalawng mami lawng n’cang u – Rom, 8:4; Gala 6:17-18. Rom 1:1, 9. Efe 4:20-24. Filip 2:5. Math 11:29. 1Pit 2:21.
- F. Mami lawng Bawipa te “n’caak” u vengah mami tah Bawipa rangoen n’hing u tih, Bawipa Amah oen buelh aka vai u Pathen ben kah hingna rangoen Pathen-thlaang hingna oen aka hing vaan khawhii ben aka bou tangkiik thlaang la coengna ham ni – Jhn 6:57, 63; Jer. 15:16; Efe. 6:17-18; Psa. 119:15.

II. Pathen kah ngaikhuekna la aka awm pakhat bueng hingna tetah diklai dawng aka hing Khrih kah hingna te koekthoek hingpui koep la ka awm hingna teni. Hetah huiithlut nawnna la ka awm Bawipa kah ahuhawng nathli khuiah Khrih te huhtawng hingna ni – Deut 1:9. John 8:29. 2Kor 5:9.

- A. Huiithlut nawnna hetah Pathen oen Pathen kah ngaikhuek na ham roe roe la aka awm hingna oen aka hing Khrih te huhsakna ni. Huiithlut nawnna he Pathen thlaangthli te tetila aka hingsak thai kung hingna la awmna dawngah khawseh Khrih te huhsakna la awm – Lev. 1:3; Num. 28:2-3; John 5:30; 6:38; 8:29; Heb. 10:5-10.
- B. Huiithlut nawnna hetah “Jehova kah ngaikhuekna rimtui ni” (Lev. 1:9). “Ngaikhueksakna rimtui” tila kawng la ka awm Hebrai awllungthli kah direct a thuingaihna tah “duuemna nawhatah ngaitluepna rimtui-baw” tila a thui- ngaihna ni. Ngaikhueksakna rimtui baw tihe

tah ngaitluep na, ngaimawngna oen duuem nathli te aka van lawpui kung rimtui-baw la awm. Tetila ngaikhueksak la ka awm rimtui-baw he Pathen hamla awmngaihna pakhat la awm - 2 Kor. 2:15; 2Kor. 5:9, 13-15.

- C. Mami khui kah Khrih kah hingna he huithlut nawna kah asoengna la awm – hetah awlngai hingna, dawklawh hingna, hingna thing kah alawngim angla Pathen sawah aka hangdang hingna la awm – Fil. 2:8; Jhn 5:19, 30; Heb. 5:8; 10:7.
- D. Aka soeng thangthuina rangoen mami kah huithlut nawn nala ka awm Khrih dawngah kut tloengna rangoen mami lawng Bawipa tengla n'thoekhaih n'tuhkai u tih Bawipa oen pumkhat la ng'awm u. Khrih lawng mami khuiah a hing van angla Amah lawng diklai dawng a hingpui hingna, huithlut nawna kah hingna te mami khuiah koekthoek a hingpui – Lev. 1:4. 1Kor 6:17. Gala 2:20.
- E. Mami lawng Bawipa teng ah mami ungbaangsak hamla a tue m'peek u ai, tedeng ahni mami lawng thlangtloethli te ungbaangsak ham oen Pathen a tuengna hamla Jerusalem khawpui thai la coeng hamla hai-phu (bakba) la n'coeng hil toe aka boet thai nawh huithlut nawna la n'coeng thai poen ai – Lev. 6:8-13; 1:16; Mak 9:12; Gal. 2:20a; Fil. 3:10-11; Rom. 12:1-2; 1Kor. 3:12a; 21:2, 10-11, 18-21:

III. Pathen kah awlkhueh thai Bibiba te cehpuina dawngah Bawipa Jesu tah huithlut nawna kah soengna la a awm van angla, Amah teng kalawng meang thaihu khawseh sai roe roe nawh (John 5:19), Bawipa lawng Amah kah Amah ham bi bi nawh (4:34, 17:4), Bawipa lawng Amah hamla awl thui nawh (14:10, 24), Bawipa lawng thaihu boeih boeih te Amah kah angaihna rangoen sai roe roe nawh (5:30), te coengah Bawipa lawng Amah bawilenna te tlap nawh (7:18). Bawipa tah Pathen oen bueng ngaikhuekna a khueh dawngah meveng ahkhaw kawpoek boetna awm nawh - Isaiah 42:4, 50:4-5, 53:2a. thuinuet John 4:13-14. 6:15. Mark 9:7-8.

- A. Bawipa kah hingna tah Bawipa kah bibina, tatvuetna oen Bibina ni. Bawipa kah bibina tah Bawipa kah hing khaw-kaanna la awm tih, Bawipa kah tatvuetna tah Bawipa kah a coengna ni. Bawipa dawngah Ahih kah hingna, Ahih kah bibi, Ahih kah bibi sanna oen Ahih kah Bibina hethli laklaw ah a laangna awm nawh. Bawipa Jesu lawng Amah lawng Bibina te a hingpui – Luke 22:26-27. John 10:10b. 1Kor 15:45b. 1John 5:16a. 2Kor 3:18. Filip 1:25.
- B. Bawipa Jesu tah thangthui kung thlaang pakhat la awm. Bawipa tah thangthui hamla tlaang sawah nawhatah adingsuekna huen la koe koe cet - Math 14:23. Mark 1:35. Luke 5:16, 6:12, 9:28.
- C. Bawipa tah Pathen oen pumkhat coengna thangthuina te aka thangthui kung la a awm dawngah, Pa lawng Ahih oen a awm haih dawngah Bawipa tah meveng ahkhaw amah bueng la awm nawh. Kawlkah roek ah Bawipa lawng ana Pa kah mikhaai te a huh – John 5:19. 16:32. Saam 16:7-8. Thuinuet 27:8.

IV. Mami lawng Pathen Amah roe roe la aka awm lungna dawng n'awmpoe u vengah, “lungna lawng mami he avan soepsakna rangoen awlcekna khawhin vengah thinawmna n'khueh u thai ai. Metitiah, mami tah Bawipa Amah angla he dilai dawngah ng'awm u” (1John 4:17). Huithlut nawn nakah soengna la aka awm Khrih lawng he dilai dawngah lungna la aka awm Pathen kah hingna te a hingpui. Tahe atah Bawipa he mami kah hingna la va awm poen tih, mami khawseh he dilai dawngah te ang lungna-hingna rangoen n'hing u thai poen tih, Bawipa Amah la a awm angla te n'awm u poen.

- A. Mami kah muithla dawng aka awm hingna Muithla phung tah lungna ka phung la aka awm Khrih kah phung la awm (Rom 8:2. Gala 6:2).
- B. Mami khuiah lungna phung lawng bi a bi vengah, mami lawng Pa Pathen kah lungna te n'khueh u tih, khawdawp ngaai thaina thinkaw oen thlawnkung Khrih kah doencang na oen tlap thaina muithla aka khueh tuu doenkungthli la pahoei ng'awm u poen ai – John 21:15-17. Luke 15:3-7.

Message Three

**Pathenben Cadilthli kah Huenmawl la
Pathen Ram dawngah Hing Khawsakna rangoen
Pathen-thlaang Hingna te Hingpuina**

Teeham Caciim; ; Mak. 1:15; Jhn. 3:3, 5-6; 1:12-13; 2Pet. 1:4; 1Jhn. 3:1

- V. Mami tah Pathen kah cuunkoep la n'awm poen dawngah Pathen kah cadilthli la n'awm u. Tetah mami he bawk ham koei lu paihuen nawh tih hingna dawngah, cooengna dawngah Pathen la n'awm u – Jhn. 3:3, 5-8.**
- VI. Pathen-thlaangthli he Pathen kah cadilthli dawngah thumhaih hamla Pathenben atue theen akhuehthli la awm – athan, 3, 5-8; 18:36.**
- VII. Khrih dawngah oengcathli la aka awm mami lawng Pathen-thlaang hingna te n'hingpui u – Mak. 1:15; Jhn. 14:17b; Rom. 8:9a, 10; Gal. 5:25.**
- A. Khrih dawngah Pathen tah thlaang khuila tuhtawm tih, thlaang te Pathen khuiah atuhtawm sak coengah, Pathen oen thlaang tah pakhat la tuhtawm sak ham haihthoek la awm, tetah Pathen-thlaang tila akhue – Mat. 1:21, 23; Luk. 1:35; Titu. 2:13; 1Tim. 2:5.
 - B. Pathen kah cathli la aka awm Pathen-thlaangthli he acuek Pathen-thlaang la aka awm Khrih kah mui pungtaina oen tawmthlep koepna la awm – Jhn. 12:24; Heb. 2:10; Rom. 8:29.
 - C. Pathen-thlaang pakhat he Pathen kah cuunkoep la awm tih, Pathen kah hingna oen coengna te aka thumhaih thlaang la a awm coengah, Bawipa kah hingna oen coengna dawngah Pathen oen pumkhat la awm, teti rangoen Bawipa te atueng sak – Jhn. 1:12-13; 3:15; 2Pet. 1:4; 1Kor. 6:17.
 - D. Pathen-thlaang he Pathen oen tuhtawm la awm tih, Pathen te amah kah hingna, cooengna oen soeprep la adang u. Pathen-thlaang he thlaang la awm de catah Pathen, Pathen la awm de catah thlaang la awm – Efe. 3:16-17a.
 - E. Khrih kah thlanghing hingna tah thlaang lawng Pathenben moehboethli rangoen sangthilna, thoekna oen tawmbenna la aka awm thlanghing theennathli dawngah Pathen kah moeiboethli te atueng sak hamla Pathen te tuengsakna la awm – Luk. 1:26-35; 7:11-17; 10:25-37; 19:1-10.
 - F. Lamhacuek Pathen-thlaang kah mui pungtaina oen thoengsakkoep la aka awm mami tah Bawipa lawng ahingpui aka vai hingna te n'hingpui ham ni.
 - 1. Bawipa kah Pathen-thlaang hingna lawng mami kah Pathen-thlaang hingna hamla dankoei te akhueh pe, Pathen te hingpuina ham thinglam khingna rangoen Pathen tah thlanghing coengna dawngah a tuengna la awm – Gal. 2:20.
 - 2. Bawipa Jesu lawng muithlaben awmna, ciimna oen taana huh hamla aka zawm hingna te hingpui nawh. Bawipa lawng Pathen kah awlkhueh thai kamthlahna angla, te kamthlahna hamla pum boeih la aka awm hingna te ahingpui.
 - 3. Awlthang theen cabu pali dawngah Jesu lawng Pathen-thlaang hingna te ahingpui tih, Celtuih cabu dawngah hubangthli lawng khaw teang hingna te ahingpui tite n'huh u.
 - 4. Khrih lawng patang raina hingna te ahingpui. Tahe mami tah aka vai hingna te aka hingpui Bawipa kah apuipawthli la n'awm u. Mami tah Khrih hamla raina n'tawng u vengah mami kah patang rainathli he Pathen lawng Khrih kah patang raina la a toek – Heb. 3:14.
 - 5. Mami lawng mah oen mah te hooet ham ni, Khrih kah duekna dawngah muivai ham la awm, Bawipa Muithla kah abawi betooet bawmcemna rangoen Bawipa te akau la n'tueng sak ham ni – Mat.16:24; Pil. 3:10; 1:19-21a.
 - 6. Pathen-thlang hingna te aka hingpui Bawipa tah tahe mami dawngah, mami dawng kalawng patoeng aka hing Muithla la awm. Mami lawng mah oen mah hoeikhangna oen pumsa thlaang saknathlina te hooet hamla awm tih, he Bawipa lawng mami te sangthilna oen thingmuethna kah atloe meang ham khaw tuetheen peek ham nawh ni, te dengah

mami lawng Bawipa te n'hingpui tih mah pakhatben dawngah khawseh, Bawipa kah Takpum la aka awm Thlangboel khuiah cingcuina dawngah khawseh Bawipa te n'tueng sak thai ham ni – Efe. 3:16-19; 1:22-23.

VIII. Khrih dawngah oengcathli la aka awm mami tah Pathen ram khuiah hingkhaw n'sak u – Rom. 14:17.

- A. Pathen kah ram tah Pathen amah roe la awm – Mak. 1:15; Mat. 6:33.
- B. Pathen kah ram tah Khrih dawngah Pathenben hingna kah cingcui cooengna oen te kah bibithli boeih kah a cooengna la awm – Jhn. 11:25; 10:10b. 14:6.
- C. Pathen kah ram tah he hingna lawng tekah apoekna te soepbir sak hamla he hingna he tatvutna, bibina, ukna oen uktemna hamla Pathenben hingna kah huenmawl la awm.
- D. Pathen kah ram tah Bawipa kah ukna hamla hingna kah huenmawl la Pathen hingna oen haih aka tuhtawm hingna la awm tih, teah Bawipa lawng hingna rangoen a uktem coengah, Pathenben hingna dawngah Pathenben pathum pakhat la amah oen amah te tueng sak la awm – 15:1-8, 16, 26.
- E. Pathen kah ram tah Pathenben ukna bueng ouhla, Pathenben cadilthli kah huenmawl la awm tih, teah thaihu boeih te Pathenben thaihuthli la awm – 3:3, 5-6; 18:36.
 - 1. Johan 3 dawngah Pathen ram he Pathen kah ukna lakah Pathen kah cadilthli te athui tare la awm.
 - 2. Pathen lawng thlaanghing cadil khuiah akuun ham thlaanghing la vacooeng tih, thlaang he Pathenben cadilthli kah huenmawl khuiah kuun ham bawkkoei lu paihuen ah nawh tih, hingna oen cooengna dawngah Pathen la cooeng – 1:1, 12-14; Rom,8:3; 1:3-4.
 - 3. Pathenben cadilthli kah huenmawl khuiah kuun ham atah mami he Pathenben hingna oen Pathenben cooengna n'dang ham Pathen kah cuunna te angoe – Jhn,1;12-13; 3:3, 5-6, 15; 2Pit,1:4.
 - a. Pathen lawng thlaang te thlaanghing phuen angla nawh tih, Bawipa kah mui oen, Bawipa phrek la Pathen phuen, Pathen kah cadilthli awm ham ni asuen – Gen,1:26.
 - b. Cuunkoepna rangoen bawkkoeina dawngah nawh tih hingna oen cooengna dawngah Bawipa kah cathli la cooeng ham Pathen kah cuun la aka awm oengcathli he Adam lakah Pathen phuen la awm u tare – Jhn,1:12-13.
 - c. Mami tah Pathen phuen la cooeng ham cuun thai la n'awm u poen. Pathen cathli la aka awm mami tah Pathen phuen, Pathen cadilthli la n'awm u – Rom,8:19; Heb,2:10.
- F. Mami tah hingna kah mingthiimna rangoen Pathenben hingna kah huenmawl la aka awm Pathen ram dawngah hing khaw n'sak u Rom,8:6.
- G. Tihin mami tah Thlangboel dawngah Pathen ram te n'hingpui u. Rom, 14:17 hetah tihin kah Thlangboel tah Ram ni tite aka cak sausi paina la awm.
- H. Mami lawng suenthai la aka awm mami kah avangthal – Pathen ram kah cooengna la aka awm Khrih Bawipa – te n'thuekdang vengah, mami tah Pathen ram dawngah khaw n'sak u.
- I. Taacathli lawng Khrih oen Pathen ram te rou la apang u ai, te dengah ahimi tah vandawngthli kah ram atuengkoerna khuiah akuun u thai ai – 2Tim, 4:18.

Message Four

**Khrih kah Takpum Sakna oen Aka Thai Hinghangna hamla
Pathen kah Tuuhuui la Bawipa kah Thlangboel te Doencang ham
Khrih kah Vanben Bibina oen Bibipui haih Celtuihthli kah Bibina**

Teeham; ; Jhn,10:11, 16; 21:15-17; 1Pit,2:25; 5:4; Heb,13:20; Awl,1:13; 2:1, 7

I. Saam 22 kalawng 24 toe Khrih te Bawipa kah thinglamtah aduekna kalawng Bawipa kah doencangna kalawng patoeng akalaw ham dung Bawipa kah sengpahrang paihuen toela phawng la aka awm Saam cabu thloep at la awm.

- A. Saam 23 he thawkoepna oen vanluina dawng aka awm tuu doenkung Khrih oen tuhkai au. Tetah Saam 22 dawng Khrih kah aka tlang duekna oen Thlangboel te aka thoengsak thawhkoepna oen Saam 24 kah Khrih Takpum la aka awm Thlangboel kalawng patoeng diklai pum te aka dangkop ham sengpahrang la Bawipa kah alawkoepna laklaw kah aka tuhphasak thlai la awm.
- B. Khrih he Bawipa kah vanben bibina dawngah thlaangthli te adoencang tih, mami khawseh thlaangthli te doencangna rangoen Bawipa oenhaih bibipui hamla angoe. He pawlnengna te n'dang u mai kawi nih, Bawipa lawkoep sak ham diklai hanah aka len hinghangna awm poen ai.

II. Johan 21 ah Khrih kah vanben Bibina oen bibipui haih Celtuihthli kah Bibina te phawng la awm. Tetah Johan awlthangtheen cabu kah asoepna oen soepbirna la awm.

- A. Johan awlthangtheen dawngah aboel pakul pakhat awm de catah, tetah atang tengah aboel 20 ah boet sak la awm.
- B. Cabuciim apum boeih lawng Khrih kah diklaiben Bibina te athui tih, Pathen kah Awl tah thlaanghing la vacooeng tih pumsa dawng aka awm thlaang pakhat la acooengna kalawng atawng tih (1:4), hukhueng Adam la aka thoukoep tih hing pekung Muithla la cooengna oen aboet sak (20:22). Te dawngah aboel 21 he tawmthil koep la ni awm ham awm.
- C. Tetih thuina tah soeng decatah, anauh la thuisih ti kawi nih Johan 21 he Johan awlthangtheen cabu kah asoepna oen soepbirna la awm. Tetah Khrih kah vanben Bibina oen Celtuihthli kah Bibina lawng Pathen kamthlahna te khuen ham diklai sawah bibipui haihna kawng te tueng sak rangoen Johan awlthangtheen cabu apum boeih te aboet sak.

III. Bawipa lawng Piter nala Bawipa kah tuucathli te cuuncah ham oen Bawipa kah tuuthli te doencang ham bibipeek la awm.

- A. Bawipa athawhkoep coeng van alui thlan ah hubangthli oen haih a awm veng apum tuengnatthli khui kalawng voikhat ah Piter nala bibi peek la awm. Tetah vanthli ah Bawipa awm tih, Bawipa a awm nawh vengah Bawipa kah tuucathli te cuuncah ham oen Bawipa kah tuuthli te doencang ham la awm – Jhn,21:15-17.
- B. Hetah Khrih kah Takpum te aka thoeng sak Thlangboel la aka awm Pathen kah tuuhuui te bueh thawng ham Khrih kah vanben Bibina Celtuihthli kah Bibina thooek haihna la awm.
- C. Huben ah Celtuih cabu ah Piter lawng “Teah ni thangthuina oen Awl Bibina benah n'mengteng thai u ai” tila athui (6:4). Hetah Khrih kah vanben thangthui bihna (Heb,7:25) oen Pathen te a thlaangthli khuiah bibi rekraana Bibina oen bawngzawng u haih la awm (8:2).
- D. Piter lawng Bawipa kah bibipeekna te apueh la apoek dawngah apakhatna capat dawngah oengcathli tengah thlemvai veng lawngpui ka phelh aka auh tuuthli la na awm u tih, tahe atah nangmi kah lungbuithli aka buehthawng kung tuudoenkung tengla napha u koep poen tila athui – 1Pit,2:25.
 - 1. Khrih he mami kah hingna oen soeprep la awm ham mami khuiben ah awmpoe bueng ouhla, Bawipa tah mami khuiben cooengna kah apaihuen te abueh athaawng la awm.

2. Bawipa he mami cooengna khui kah atheen nate khuituukna oen mami kah asoeng thlaanghing la aka awm lungbui kah paihuen te abuehthaawngna rangoen doencang la n'awm u – cf, Heb,13:17.

E. Piter kah awl lawng Khrih kah vanben Bibina he awlpui la Bawipa Takpum te aka thoengsak Pathen kah thlangboel te Bawipa kah tuuhuui la adoencang tite atueng sak.

IV. Oengcathli te doencangna tah hingna dawngah tethli kah aroengna hamla awlpui tangkiik. Mami tah awlthangtheen thui ham oen Thlangboel hinghang sak hamla doencangna lawngim te n'khuen u ham ni.

- A. Mami lawng “Bawipa, hinghangna kheuh ka ngaih. Tihin kalawng kai tah doencangkung pakhat la awm ka ngaih. Kai tah thlaangthli te cuuncah ham, doencang ham oen thlaangthli te tuuhuui khui la cingcui ham ceh ka ngaih” tila thangthui ham angoe.
- B. Johan 10 oen 21 thli dawngah Bawipa tah doencangna oen tukai tih he awllungthli he ahawna – cuuncahna, doencangna oen tuuhuui (10:16; 21:15-16). Mami khawseh tuuhuui ati awllung te varb la n'hawna thai.
- C. Thlangboelthli boeih he tuuhuui khuila metih n'cingcui sak ham tite n'cang u ham ni, tedengah tethli tah cuuthaihna awm u thai ai. Ahamcathli oen bibihuuithli lawng hehe atak la sai ham amaawt u ham ni.

V. Sui haivangtung te hingnaben tlaihawngna tah Bawipa kah hingnaben doencangna kalawng patoeng taacathli thoengsak ham Thlangboelthli te Bawipa kah thlaanghing cooengna dawngah buehthawngna oen Bawipa kah Pathen cooengna dawngah cuuncah la aka awm khrih kah vanben Bibina la awm – Awl,1:13, 2:7; Jhn,10:11, 14; 1Pit,2:25; 5:4; Heb,13:20.

- A. Thlaang Capa tah Bawipa kah thlaanghing cooengna dawng awm tih, sui hingceen zeen tah Bawipa kah Pathen cooengna te huhsak tih, rang hetah lungna kah noekna la awm.
- B. Khrih lawng Thlangboelthli te buehthawng ham thlaang Capa la Bawipa kah thlaanghing cooengna dawngah Thlangboelthli te abuehthawng la awm – athan,13a.
 1. Bawipa lawng haivang tung kah hai khuatthli te anep la awm ham aroekbah tih, mami kawhoe, ngaikhuek tih tluep ti sak ham abuehthawng la awm – Exo,30:7; cf,Saam,42:5, 11.
 2. Bawipa lawng haivangtung kah haikhuatthli kalawng hai-eekthli te areet tih, mami kah angna aka kanghalh sak athen nawhnathli boeih te reet sak la awm – Exo,25:38.
- C. Khrih lawng thlangboelthli te cuuncah ham araang ah azeen sui hingceen zeen rangoen huhsak la ka awm Bawipa kah Pathenben lungna oen Bawipa kah Pathen cooengna dawngah thlangboelthli te abuehthaawng la awm – Awl,1:13b.
 1. Bawipa kah aka soep Bibina cadoelh pathum dawngah soeprep aka thum Khrih la aka awm Bawipa amah lawng mami te n'cuuncah. Tedengah mami tah Bawipa dungzan kamthlahna te soepbir sak ham atah Bawipa kah taacathli la cooeng ham Pathen hingna dawngah rooeng tih hamkhuek thai la awm ai.
 2. Zingzawi la aka awm Khrih la Bawipa lawng thlangboel pakhat rip kah apaihuen te mingciim tih, awl aka thui Muithla la Bawipat ah haivangtungthli te atlahvawng tih, Muithla kah bawmcemna la haitui thai rangoen sangthil la awm – 2:2,8; cf, Exo,27:20-21; Zak,4:6, 11-14.
 3. Bawipa kah tatvuet bisaina dawngah thumhaham ham oen Bawipa kah khuituukna te awmngaih hamla mami tah thlangboelthli ah n'awm u ham ni.

Pathen Angla Doencangna

Teeham Caciim: Jhn.21:15-17. Cel.20:28. 1Pit.5:2,4. Eph.4:16

- I. Tinhin Bawipa dangkoepna dawngah doencangna he awlpuila a ngoe.**
- II. Doencangna hetah tuuhui te soeprep boeih aka thuum, kawdungna oen khuituukna la awm-Jhn.21:15-17.Cel.20:238.**
 - A. Doencangna tah tuuhui kah ngoe ngaihna boeih khuituuk pena te a thui.
 - B. Tuuthli boeih he a theenca la bawmcemna oen khuituuk pena a ngoe.
- III. Khrih hetah tuudoen theen, aka bou tuudoen kung, tuudoen kung bawi oen mami kah lungbuihthli tuudoen kung la awm-Jhn.10:9-17.Heb.13:20-21.1Pit.5:4.2:25.**
 - A. Tuudoen kung theen Bawipa Jesu tah mami lawng hingna n'dang tih, hingna betoetla n'dangna hamla va law-Jhn10:10-11.
 - B. Pathen lawngah"Dungzaan paipii kah thisen rangoen tuudoen kung bou mami kah Bawipa Jesu te duekna kalawng ah avan thlawng"-Heb.13:20.
 - C. Tuudoen kung bawibou la Khrih lawng a Tuuhui te thlangboelthli dawngkah a haamcathli rangoen patoeng a doencang-1Pit.5:4.
 - D. Mami kah lungbuihthli tuudoen kung la Pneumatik Khrih lawngah mami khuibenthli te avan buehthawng petih, khuiben cooengnathli te avan khuituuk pe-2:25.
 1. Amah lawngah mami kah lungbui hoeikhangna hamla avan khuituukna rangoen khawseh, khuiben paihuen avan buehthawngna rangoen khawseh, n'khoemdoen u.
 2. Mami kah lungbui he caalla a tingtawng u dawngah Khrih he n'ngoe u. Amah he mami kah muithla dawngah hing pekung Muithla la va awm tih, lungbui dawngah n'doencang u, mami kah mingna, huhtawngna oen ngaihnathli te avan khuituuk, mami kah a rainathli, ngoengaihnathli oen tlawhnathli te avan khuituuk.
- IV. Pathen angla doencangna thai hamla mami he Pathen oen pumkhat la awm ham, Pathen oen tawmben ham, Pathen la hingpui ham, Pathen tueng sak ham, Pathen kah kut hui pe ham oen Pathen bi bi pe hamla a ngoe.**
 - A. Pathen la aka hing thlaangthli bueng lawngni Pathen angla a doencang thai ai-Phi.1:21a.
 - B. Pathen angla doencangna tah Pathen te thlangthli tengah rekrana la awm.
 1. Pathen te thlangthli tengah mezoeh n'rekra thaina hetah hingna coeihpawk la a laawngna hamla Pathen rangoen mezoeh n'rek sak poen tina sawah te awm-4:10-12.16.Heb.4:12.
 2. Khat oen khat tengah Pathen te rekra n'ngaih atah mami lawng a lungvatna, awltak, muithla oen hingna kah awlthli thui ham, mami kah cooengna khuiah avan sang patoengtoeng aka poeng Pathen te rekra hamla a ngoe-Eph.3:16-17a.4:25,29.Jhn.6:63.
- V. Piter lawngah ahaamcathli nala Pathen kah tuuhui te Pathen angla doencangna hamla tha a peek-1Pit.5:2.**
 - A. *Pathen angla* tina tah Pathen la n'hingna ham te thuingaihna la awm.
 - B. Pathen oen pumkhatla ng'awm vengah, mami he Pathen la n'cooeng u tih, thlangtloethli doencangna dawngah mami he Pathen la ng'awm u.
 - C. Pathen angla doencangna tah Pathen kah a cooengna, ngaihna, a lawngim oen Bawilenna angla doencangna la awm tih, mami kah ngaihna, kawhuemna, mengtengna oen thinkaw ngaihna angla moenih.
 - D. Pathen angla doencangna hamla mami he hingna, cooengna, a tuengna oen bisaina dawngah Pathen la cooeng ham a ngoe.
 1. Mami he Pathen hingna oen coeihpawk toela, Pathen ben hingnala a awmna toela sangthil ham a ngoe-Jhn.4:14.Kol.3:4.

2. Mami he Amah kah lungna, angna, doengna oen ciimna cooengna moeiboethli dawngah Pathen la cooeng ham angoe.
3. Mami he Khrih kah mui kawngtloep la awm ham, Pathen a tuengna hamla awm a ngoe, teah ni mami kah doencangna dawngah Pathen n'tueng sak vetih, a ciek thinkaw oen a langloenathli oen haih kamah tina a tueng hamla awm nawh mue.

VI. Khrih kah Takpum sakna ham doencangna tah tloep pai tloep doencangna la awm-1Kor.12:23-26.

- A. Mami boeih he Khrih kah hingna ben doencangna huiah ng'awm u tih, thlangtloethli doencangna hamla Amah oen pumkhatla ng'awmham a ngoe-Jhn.21:15-17.
- B. Hingna dawngah roengna metih lakhaw awm mai seh, oengcathli boeih lawngah doencangna a ngoe.
- C. Mami boeih dawngah voet vainathli, thazawlnathli he awm tih, thlangtloethli lawngah mami he n'doencang hamla a ngoe.
- D. Mami he tuu oen tuodoenthli pahih bawkla ng'awm u tih, tloep pai tloep doencang u the hamla a ngoe.
- E. He tloep pai tloep doencangna kalawngah patoeng Takpum he lungna dawngah amah oen amah sakla awm-Eph.4:16.